



EM 2015/150 - EM 2015/151 - EM 2015/152 - EM 2015/157 - EM 2015/158 - EM 2015/159

Michael Rosing

Siunnersuut: Inatsisartut aalajangiiffigisassaattut siunnersuut Namminersorlutik Oqartussat akuersissutigissagaat Nunarsuarmioqatigiit ataatsimoorussamik isumaqatigiissutaat radioaktiviusut ikummatikut aamma radioaktiviusut eqqagassat isumannaatsumik isumagineqartarnissaat pillugit. (Eqqagassalerinermut isumaqatigiissut)

Uunga siunnersuut: Atomip nukinganik pissuteqartumik ajutoortoqartillugu imaluunniit qinngornernik ulorianartunik pissuteqartumik ajornartorsiortoqalersillugu ikiuunnissaq pillugu IAEA-imi nunani tamalaani isumaqatigiissummut (Ikiuunnissamut nunani tamalaani isumaqatigiissut) Namminersorlutik Oqartussat akuersinissaat pillugu oqaaseqaateqarnissaq pillugu Inatsisartut aalajangiiffigisassaattut siunnersuut.

Siunnersuut: Inatsisartut aalajangiiffigisassaattut siunnersuut Namminersorlutik Oqartussat akuersissutigigaat Atom-ip nukinganik sakkooqarluni pinerliiniartoqartarneranut akiunermut Nunarsuarmioqatigiit isumaqatigiissutaat.

Siunnersuut: Inatsisartut aalajangiiffigisassaattut siunnersuut Namminersorlutik Oqartussat akuersissutigissagaat International Labour Organization – ILO -p isumaqatigiissutaa nr. 115, sulisartut qinngornernut ingerlaartunut (ioniserende) illersorneqarnissaat pillugu isumaqatigiissutaasoq akuersissutigineqassasoq.

Uunga siunnersuut: IAEA-imi atomip nukinganit atortussianik inissisimaffiini isumannaarinissaq pillugu nunani tamalaani isumaqatigiissummut allannguummut Namminersorlutik Oqartussat akuersinissaat pillugu oqaaseqaateqarnissaq pillugu Inatsisartut aalajangiiffigisassaattut siunnersuut.

Uunga siunnersuut: Atomip nukinganut isumannaallisaaneq pillugu IAEA-imi nunani tamalaani isumaqatigiissummut Namminersorlutik Oqartussat akuersinissaat pillugu oqaaseqaateqarnissaq pillugu Inatsisartut aalajangiiffigisassaattut siunnersuut. (Inuussutissarsiornermut, Suliffeqarnermut Niuernermullu kiisalu nunanut allanut tunngasunut Naalakkersuisoq)
(Siullermeerinnineq)

Demokraatini isumaqartuaannarnikuuvugut, nunatsinni uranimik piaasinnaallutalu avammut nioqquteqarsinnaagutta imaluunniit allanik atomip nukinganut atortussianik inunnut, peqqinnissakkut avatangiisinullu ulorianaateqanngitsumik nioqqutissiorsinnaagutta taava tapersersussavaput.

Isumaqarpugut pingaaruteqartoq aalisarnerup maannakkut inuiaqatigiinni isaatitsinerpaaffiusup saniatigut allanik isertitsissutaasinnaasunik ujarlertariaqartugut. Immikkoortoq suliffissanik isertitassanillu pilersitsiffiusinnaasoq tassaavoq aatsitassarsiorneq. Tamatumani Demokraatini isumaqarpugut periarfissat takkuttut akortariaqarigut, taamaakkaluartorli oqaatigissavarput



pitsaasumik ingerlatsisoqartariaqarmat.

Atomip nukinganik iluaquteqarniernermtu tunngatillugu pingaaruteqarpoq immikkut mianersornissaq. Siullermik nunarsuup sinnerani atomip nukinganik iluaquteqarnermut atatillugu ajunaarnersuit takoreerpagut soorlu Tjernobyli, tassani uppersarnerqarpoq qanoq pingaartigisoq inuit avatangiisillu pillugit isumannaallisaaneq pitsaanerpaartaasariaqartoq. Aappasaanik uran sakkunut amiilaarnarlunnartunut atorneqarsinnaavoq aamma tassani pingaaruteqarluinnarpoq uranip innunut ajortunut tunnginnissaa.

Tamanna tunngavigalugu Demokraatini nuannaarutigarpur Naalakkersuisut siunnersuutit aalajangiiffigisassanik arfinilinnik saqqummiussimmata. Siunnersuut tamarmik "Uranimik piaaneq avammullu tunisassiorneq pillugu nalunaarummi" taaneqarput aamma siunnersuutit taamaasillutik qularnaassavaat, avatangiisinut peqqissutsikkullu isumannaallisaanerit sapinngisamik pitsaanerpaajunissaat.

Oqallinneq illersuisut akkerliussullu oqallinnerannut nooriaannaavoq. Demokraatini oqallinnerup taassuma piffissami allami pinissaa inassutigissuarput. Uani oqallinnermi eqqartortariaqarparput qanoq iliorluta isumannaallisaanerit pitsaanerpaat qularnaarsinnaanerlutigit, ullut arlaanni uranimik paaasoqalissagaluarpat imaluunniit atomip nukinganut atortunik allanik kalaallit nunaata killeqarfiata iluani.

Aalajangiiffigisassatut siunnersuutit arfinillit akuerinerisigut piareersarluta aallartissaagut qularnaarumallugu pitsaanerpaanik tunngaveqarnissaq ullut arlaanni uranimik paaanissaq avammullu nioqqutissiorneq piviusunnungussagaluarpata.

Tamanna tunngavigalugu inassutigarpur siunnersuutit tamarmik akuerineqassasut innersuullugillu Inuussutissarsiornermut Ataatsimiititaliami oqallisigeqqinneqassasut Aatsitassallu pillugit Ataatsimiititaliamut tusarniutigineqarlutik.